

ЛЕНИНЭНЬ КИЯВА

ВЛКСМ-нь Мокшэрзянь обкомонть ды Саранскоень ошонь комитетэнтъ газетаст

ФЕВРАЛЕНЬ

23 чи,

1937 №

№ 22 (696)

ЛСС: 7-й по
числу 1937

ГРИГОРИИ КОНСТАНТИНОВИЧ ОРДЖОНИКИДЗЕ

ЯКСТЕРЕ ПЛОЩАДЬСЭНТЬ

Якстере площадентъ пештизъ рабочейтне, работницатне, якстереармеецтне, служащейтне, советской интеллигенциянь представительтне, республикатнень, крайтнень, областятнень ламо делегациятне.

Ризксэнь сэтме. Сергонь ламо портретэнзэ. Сон вань эйстэст малавиксэкс, родноекс.

Траурной шествиясь моли исторической музеентень.


Парсте неяви цецясэ пирызъ грах марто урнась, конань пек ванстоэзъ кандыть Сталин ялгась ды сонзэ малавикс соратникэнзэ.

Мавзолей. Сонзэ керш-трибунанть лангс кепетить Сталин, Молотов, Каганович, Ворошилов, Калинин, Андреев, Микоян, Чубарь, Косиор, Жданов, Петровский, Постышев, Эйхе, Ежов, Хрущев, Димитров, Акулов, Межлаук, Антипов, Шкирятов, Яковлев, Рухимович, Берия ялгатне.

Микрофононтень моли Орджоникидзе ялганть калмамонь коряс правительственной комиссиянь председателесь — Акулов ялгась. Сон панжи митингентъ, кона алтазь ине революционерэнтъ большевикэнтъ, Ленинэнь-Сталинэнь малавикс соратникэнтъ ледстнемга. Акулов ялгась максы васень валонть (большевиктнень) Весесоюзной коммунистической партиянь Центральной Комитетэнтъ ды Советской Социалистической республикатнень Союзонь правительстванть пельде СССР-нь Народной Комиссариатнень Советэнь председателентень В. М. Молотов ялганть.

Мейле кортасть: Стака Промышленностень Народной Комиссариатонть пельде М. Л. Рухимович, Робоче-Крестьянской Якстере Армиянь пельде Оборонань Народной Комиссарос Советской Союзонь маршалось К. Е. Ворошилов ялгась, Московонь трудицятнень, партийной ды советской организациятнень пельде Н. Хрущев ялгась, Закавказьянь партийной ды советской организациятнень пельде Л. Берия ялгась, Весесоюзной ленинской комсомолонть пельде А. В. Косарев, Московонь Фрунзе лемсэ 24 № заводонь коллективентъ пельде В. П. Бутусов ялгась, Ленинэнь ошонь ды Ленинградской областень трудицятнень пельде „Электросила“ заводонь рабочеесь Ю. Е. Скоробогатко ялгась, Украинань рабочейтнень, работницатнень ды трудицятнень пельде Алексей Стаханов, Уралонь заводтнень рабочеест, работницат ды инженерно-технической работникест пельде Магнитогорской комбинатонь директорось А. П. Завенягин ялгась.

Торжественной сэтмесь кунсолы площадесь кортыцятнень валост, конат невить Серго Орджоникидзень пек вадра образонть, сонзэ атак сизе роботамонзо, сонзэ лакиця эрямонзо, эсинэзэ партия-



СТАЛИН ды ОРДЖОНИКИДЗЕ ялгатне

тень, родинантень, Ленинэнь-Сталинэнь теветень сонзэ певтене преданностэнзэ.

Завенягин ялганть валдонзо мейле партиянь ды правительствань руководителтне валгить мавзолеень трибунанть лангсто.

Урнанть кремлянть стенантень, косо незабвенной Кировонь прахонть марто рядс уш анокстазь винькс ниша, кандыть Сталин ялгась, ВКП(б) нь ЦК-нь Политбюронь ды правительствань члентнэ.

„Интернациональ“ звуктнэ вейсэньгадыть орудиянь эрнематнень марто.

16 чассто 40 минутасто урнанть замуrowали. Мраморной вишка лазлангсо вадрасто неяви сермадовкс

ГРИГОРИИ КОНСТАНТИНОВИЧ ОРДЖОНИКИДЗЕ

18²⁸ 86—19¹⁸ 37
X, II

Пламенной революционерэнтъ, социалистической Родинань ине гражданинэнтъ калмонзо вакска ютыть пролетарской дивизиянь боецтнэ. Мельгаст Сталинэнь лемсэ Кавказской дивизиянь славной конниктнэ ды артиллеристнэ.

Войсковой частьтнень мельга Якстере площадентъ келес траурной знамятнень марто молитъ заводтнэнь, фабрикатнень, учрежденийтнэнь, научной институттнэнь ды столицань линия организациятнень колоннаст.

Пряст вельксэ Орджоникидзе ялганть траурной портретэнзэ.

„Прощай мивек вечкевикс, незабвенной Серго! Родинань величиясо тон карматэрямо пингедипингс!“ сермадозь ламо тыщат плакаттнэнь лангсо.

Якстере площадыганть ютасть малав 200000 ломанть.

Пролетарской ине революционерэнтъ кандолазонзо вакссо прощямось

Пламенной большевикэнтъ-Ленинецэнтъ Григорий Константинович Орджоникидзень шкадо икеле куломадо покшток покш ризксэнь кулясь куроксто ютась советской масторонть келес. Покш ризкс марто сыргойсь столицась. Февралемь 19-це чистэ валске марто Союзтнэнь кудонтень, косо ашти стака индустриянь камандарманть уловозо, сыргастъ сядо тыщат ломанть.

Живой чахрасо пирызъ постаментэсь. Пря песэнзэ нургыть знамятне. Залсонть ризкс марто маряви траурной маршось.

Кандолазонть вакссо, пря песэ, прянь комавтозъ, прошти кулыцанть марто сонзэ оязо Зинанда Гавриловна. Тесэть жо—Л. М. Каганович, Ворошилов, Микоян, Акулов, Стецкий, Яковлев ды лия ялгатне.

Эрва 5 минутто мейле полавтови почетной караулось.

16 чассто 55 минутсто почетной караулонь очередной сменас стить Сталин, Молотов, Каганович, Ворошилов, Калинин, Андреев, Микоян, Чубарь, Сергонь икелень оянозэ ды ялганзо, конатнень марто савсь роботамс подпольясэ, борцыамс гражданской войнаень фронтсо ды индустриянь строямосонзо.

Чокшине 6-це чассто почетной караулс стить Жданов, Ежов, Антипов, Хрущев, Гамарник, Косарев ялгатне,

6 чассто 20 минутсто покойник оянтъ ды соратникэнтъ пря песаго стить Сталин, Молотов, Каганович, Ворошилов, Калинин, Андреев, Микоян ды Чубарь ялгатне.

Сынст пирызъ молиця трудицятне, конат вечкевикс Сергонень остатка „прощай“ валонть евтомадо мейле велявтсызь эсист шачост народтнэнь ине вождентъ Сталин ялганть енов. Сонзэ шачозо, кона пешксе а тапавиця мужествасо ды вийсэ, эрва трудицанть седеензэ пешти кавтолдомавтомо кемемасо, терди коммунизманть торжестванзо кис бороцямосонть од изнявксонь тееме.

Аштень чокшнес эзь лотка трудицятнень молемаст, конат бажить максомо Сергонень остатка долгост.

Февралень 19-це чистэ колонной залонть пачк, Серго Орджоникидзень кандолазонзо вакска ютасть малав 250000 ломанть.

Трауронь омбоце чистэнтъ истия жо кодавасень чистэнтъкак трудицятне максить остатка долгост масторонь трудицятне. Февралень 20-це чистэ коллонной залонть пачк ютасть малав 300000 ломанть, конатне остаткадо прощастъ народонь вечкевикс Серго ялганть марто.

(ТАСС-нь материалсто).

ГРИГОРИИ КОНСТАНТИНОВИЧ ОРДЖОНИКИДЗЕ

Минек партиантень, ине социалистической родинань—СССР-нь робочей классонтень ды трудячтнень, весе мастор лангонь трудячтнень теевсь пек покш горь. Тусь юткстонок Серго Орджоникидзе — пламенной, бесстрашной большевикесь-ленинецесь, руководителесь, конань вечкизь миллион тнэ, Ленинэнь ды Сталинэнь соратникесь, Весесоюзной коммунистической партиань Центральной Комитетэнь Политбюронь членэсь, изниця социалистической наступлениянь талантливой организаторсь—Стака Промышленностень Народной Комиссарось.

Те кристалеке ванькс, кеме революционерэнь — большевикэнь эрямозо—образец весе мастор лангонь трудячтнень туртов, конат бороцишь социализманть кис, эсь прят олкстомтоманть кис. Советской народонь вечкевикс Серго Орджоникидзе од шкасто саезь максызе эсинэз седенэз, превенэз, виенэз, а маштыця энергиянэз, весе эсь прятнэз, весе эрямонэз робочей классонь теветень, коммунизмань теветень.

1. Боевой кинзэ ушодксось

Григорий Константинович шачсь 1886 иень октябрынь 28-це чыстэ (Западной Грузиянь иенень Хорагоульской райононь) Гореша велес. Карго неть сон тонавтнесь Хорагоульской низшей училищасо, мейле вейке ие—чугункань кинь школасо Хашурисэ ды 1900 иестэ тусь Тбилиси (Тифлис) ошов. Тосо кармась тонавтнеме фельдшерской школасо.

Эшо школасо Орджоникидзе кармась содамонзо революционной литературынь, работась социал-демократической кружоктнэсэ. Те ульнесь героической шка, зярдо Ленин Петербургонь подпольной кружоктнэсэ ды Сталин Закавказьянь предприятиянэсэ тейсть большевистской партианть. Сехте вадра ломантне, конат анокольть максомс робочей классонть теветнэз кис эсь прят, молюсь партияс. 1903 иестэ, допрок од церынекс, Григорий Орджоникидзе теевсь большевикекс.

1905 иестэ, зярдо русской васенце революциянь толонь волнась ютась масторганть, партияс кучизе Орджоникидзень Чи валгома ено Грузиянь. Тосо сон ветясь революционной работа крестьянтнэнь ютксо, лангс ливтсь предательтнэнь-меньшевиктнэнь, анокстась вооруженной восстания царизманть каршо.

Полициясь пансесь од революционерэнь мельга, ды, меельсь пелев, муизе сонзэ. 1905 иень декабрысто Сергонь (те ульнесь Орджоникидзень партийной кличказо) арестовизь се шкастонть, зярдо сон Раужо иневеденть чиресэ, Бомбары велесэ чамдсь революционертнэнь туртов оружия. Кевейксэ иесэ боецэнь пекстызь Сухумонь тюрьмас.

Зярдо ниле ковт молиция следствиясь прядозель, судонть самс Сергонь нолдызь оляс, сайсть пельденэз ярмаконь залог. Инязоронь чиновниктнэ ильведсть: Серго оргодсь ды тусь Тбилиси ошов. Тесэ сон васенцеде вастсь Сталин ялганть марто. Седе мейле теевсь ине вожденть марто малавикс оякс ды алкуксонь соратни-



СНИМКАСОНТЬ: Г. К. Орджоникидзе ялгась кандолайсэ (Союзтнэнь кудонь Колонной залсэнь).

кекс. Курок Сергонень савсь тумс границань томбале, Германиянь, штобу емавтолизь следэзэ

сонзэ вешница шийктнэ.

Но уш зяро бути ковдо мейле Серго одов велявсь Россиянь.

2. Нефтань ошсо

Бакусо сестэ Сталин ялганть ветямонзо коряс пурнавсть Закавказьянь большевиктнэнь сехте вадра вийтне. Партияс кучизе Орджоникидзень Бакув. Серго одов ушодызе подпольщикень эрямонзо. Тесэ сон совась большевистской бакинской комитетс, конань ветясь Сталин ялгась. Серго ветясь беседат, анокстась забастовкат, кортасть митингтнэсэ. Нефтяниктнэнь маень 1-це чинь демонстрациясонть сонзэ арестовизе полициясь. 26 чить сон аштесь тюрьмасо лия фамилия ало. Полицейскойтнень истяк эзь содавт, кие те ломанесь,

кона эсь прятнэз евтнэз Кучихи-виликс, ды нолдызь сонзэ оляс.

Но 1907 иень октябрысто Серго таго понгсь тюрьма. Сестэ инязоронь охранниктнэ уш эзть ильведэ. Сынь содызь Сергонь ды омбоце пель не кирдизь крепостсь. Мейле кучизь ссылкас.

Кучизь сонзэ сестэ Приангарской краень, Пинчукской волостень Потоскуй велес. Нат, видеак, таркась ульнесь аволь весела... Шабрасо Од Уда велесэ зяро бути иеде икеле ссылкас ульнесь Сталин. Но эсть юта кавто ковткак—Серго оргодсь ссылкостонть!

3. Ленинской школа

Ирансо (Персиясо) се шкастонть самай ульнесь революционной восстания Мамед-Али шахонть каршо. Персиянь крестьянтнэ ды робочейтне бороцишь шахонь войскактнэнь каршо, конатнень Николай II-й кучокшнызе лезксэкс шахонтень. Партияс кучизе Орджоникидзень Персиянь. Серго ветясь восстаниянь кепедицятнень, макссь сынеист самодержавиянь каршо бороцимонь опытенэз, тейсь партийной организация. Серго сермалесь сермат Ленинэнь, кона се шкастонть ульнесь Парижсэ. Ильичень мереманзо коряс Надежда Константиновна Крупская сермалесь Сергонень сермат, максинэзе Ленинэнь указаниятнень. Большевистской литературанть, конань нолдызь граница ж томбале, Серго Ирансто кучизе Россиянь.

Весть Парижсэ Ленинэнь квартирань кенгшенть стукадизе привратникась:

— Сась кодамо бути ломань, валгак а соды французокс, эряви арсемс, тыненк сась.

„Мон валгын алов,—ледстни Надежда Константиновна,—ашти кавказской ломань ды мызоды. Тесамая ульнесь Серго. Седе мейле сон теевсь сехте малавикс ялгантнэсэ вейкекс.

Париж вакссо, Лонжюмо вишка велинэсэ, Ленин революционертнэнь-робочейтнэнь туртов организовась партийной школа. Серго топатнэсь партиань поручениятнень ды кунсолнэзе Ленинэнь лекциянэз.

Ине Ленинэнь марто кувать кортнематнэсэ Орджоникидзень икеле педес панжовсь челове-

честванть уцясканзо кис пролетариатонть бороцимонь Марксонь—Ленинэнь учениясь.

Истямо ломанентень, кода Серго, Ильич мог максомс пек покш работа: анокстамс большевиктнэнь всероссийской конференция. Эрявсь модемс Россиянь, одов пурнамтеемс партийной организациятнень, конатнень тапинэзе полицейской террорось. Эрявсь толковамс партиань члентнэнь, што меньшевиктнэ ды троцкисттнэ ветить предательской бороцимо пролетарской революциянь каршо.

Большевиктнэнь конференциясь анокстазель пек парсте. Сон ульнесь границань томбале, Прагасо, 1912 иень январьстэ. Те конференциясонть большевиктнэ допрок явсть меньшевиктнэ эйстэ, тейсть самостоятельной партия ды кочкасть Центральной Комитет, козонь, Ленин ды Сталин марто вейсэ, совась Серго ялгаськак. Россиясо партийной роботань ветямонт туртов кочказь ЦК-нь бюро: Сталин, Серго Орджоникидзе ды Спандарьян.

Пражской конференциястонть Серго велявсь Россиянь. Сон тусь Вологда, косо ссылкасо ульнесь Сталин. Тесэ организовазель ссылкасто Сталинэнь оргодемазо. Сталин марто Серго тусть подпольной роботанть туртов Кавказов, тосто Петербургов.

Но 1912 иень апрельстэ Серго одов арестовазель—уш меельцеде. Кото ковт ютавтсь сон тюрьмасо, учось суд, колмо деть ютавтсь каторгасо, Шлиссельбургской крепостень казематтнэсэ ды мейле пачезель Якутиянь полициянь эрва шкань надзор алов.

4. Фронттнэсэ

Самодержавиянь ертомало мейле Серго велявсь Петроградов. Сонзэ кочкизь партиань Петроградской комитетс. Зярдо Ленинэнь савсь кекшимс. Временной правительстванть эйстэ Сестрорецконт вакссо шалашсонть, Серго зярыяксть якась Ильичнэнь, кирдсь живой скулмавикс Ленин ды Сталин ютксо.

Минек партияс анокстась Ине Пролетарской революциянь. 1917 иень ноябрынь 7-це чыстэ революциясь теезель. Робочейтне ды крестьянтнэ санзь властенть кедезэст. Но врагтнэ эшо прятэсть максо. Сынь вооруженной вийсэ аресть тапамс революциянь. Ушодовсь гражданской войнась. Серго революциянь васенце иетнэстэ турсь Керенскоень войсканзо каршо Пулковонт вакссо, ванстась Петроградонть.

Якстере полктнэнь прывтокс сон чавсь немецень оккупантнэнь, денкинецтнэнь, гайдамактнэнь ды лия ашо бандиттнэнь Украинасо, Дон лангсо, Кубаньсэ, Царицын ало. Зярдо Сталин ульнесь Царицынэнь ванстомань прывтокс, Серго ульнесь сонзэ васенце лездыцкэс.

Владикавказ вакссо верев бойтнеде мейле денкинецтнэ санзь ошонть. Сергонень савсь шкас тумс Ингушетиянь. Тосо сон ингушской народонть кепедизе ашогвардеецтнэнь каршо бороцимо.

Ингушетиясто пандотнень трокс сон югась Грузиянь, косо ульнесь меньшевикт, штобу скулмавомс большевистской организациятнень марто, тосто—Бакув, Бакусто—Астраханев. 13 суткат сынь молюсь лия зярыя ялганзо марто бушовиця Каспиянь эзга суднынесэст, но пачкодть цезезэст.

Сталин марто вейсэ сон ветясь бойть чи валгома ено фронтсо.

Одов обед ено фронтось. Серго арась 14-це армиянь прывтокс, конань кавалтокшнызе Троцкий. Серго тейсь эйснэз большевистской порядка, ды 14-це армиясь тапинэзе Деникинэнь. Идэвсть Ленинэнь валтнэ, кона лемдизе Сергонь кемевикс военной роботникекс, кеме ды теветень содыця революционерэкс.

Киров ды Тухачевский марто вейсэ Орджоникидзе ульнесь Якстере армиянь прывтокс Кавказсо ано бандиттнэнь ды английской интервенттнэнь каршо бороцимонть. 1920 иень маень 1-це чить каршо Якстере Армиясь, конань прывтокс ульнесь Орджоникидзе ды Киров, панинэз ашотнень ды совась ошонтень. Азербайджанось теевсь советскойкс.

Эрявсь ваньскавомс контрреволюционной бандатнэсэ Грузиянь ды Армениянь. Ды вана сась уцяскав чись, зярдо Грузиясь олякстомтозель, зярдо Ленин кучсь Орджоникидзе лемс телеграмма советской Грузиянь грузинской коммунисттнэнь покш поздоровонь вал марто...

1921-це иень маень 19-це чыстэ ВЦИК-есь казизе Серго Орджоникидзе ялганть Якстере знамянь орденсэ.

Гражданской войнась прядозь. Боевой командирэсь Серго ютась „мирной положенияс“.

(Пезэ 3-це страницасо).

ГРИГОРИИ КОНСТАНТИНОВИЧ ОРДЖОНИКИДЗЕ

5. Партиянь врагтне—народонь врагт

Закавказской большевиктне кочкызы Сергонь эсист руководителекс. Орджоникидзе одов ладси краенъ хозяйстванъ ды вейке шкасто жо кемексты Закавказьянь народтнень дружбаст. Ленинэнь ды Сталинэнь лездемост коряс бороци сетнень каршо, кие снартнеьс калавтомом те дружбанть.

Орджоникидзе ялганть ветьмонзо коряс теезель Закавказской федерациясь, козонъ совасть советской социалистической колмо республикат—Грузия, Армения ды Азербайджан.

1926 иестэ партиясь тердизе Орджоникидзень седейсэрей постлангс—сон теевсь Рабоче-Крестьянской Инспекциянь народной комиссарокс ды партиянь Центральной Контрольной Комиссиянь пред-

седателекс. Троцкий, Зиновьев, Каменев ды сынст приспешникест снартнесть калавтомс партиянь. Сталин ялганть указаниязо коряс, Центральной Контрольной Комиссиясь Сергонь ветьмонзо коряс лангс ливтинзе партиянь ды советской властенъ врагтнень, а пак жалья панинзе сынст ВКП(б)-нь рядтнестэ.

Минек родинась чалгась васеньце пятилеткас.

Сталин ялгась келейгавть масторонть икеле социалистической строительстванъ ине плант. Партиясь ды правительствась Серго Орджоникидзень аравтызь народнень хозяйстванъ высшей советень председателекс, мейле СССР-нь Стака Промышленностень Народной Комиссарокс.

6. Ногинэнь площадьсэ кудось

Весь вельтизе Московонть. Капшазь зэрнить меельсэ трамвайтне. Мадсть толтнэне кудотнень вальматнесэ. Ногинэнь площадьсэ покш серой кудосонть жо, косо стака промышленностень народной комиссариатось, валдот наркомонь кабинетэнтъ вальманзо. Наркомось роботы. Наркомось сайсы телефонь трубканть. Терди Магнитогорскоентъ—металлургической комбинатонъ директоронть. Кодат изняксо стыхановецтнень—металлургтнень? Мезе меши роботамо? Наркомось шны, максы совет. Кортамось прыдозь—ды одов телеграммат, цифрат, чертежт...

Те кабинетстэнтъ наркомось вети стака промышленностень ламо сядот предприятиянтень роботасть.

Трудовъ фронтсо Орджоникидзе ялганть боевой заслуганзо кис правительствась сонзэ казизе Ленинэнь ды Трудовой Якстере Знамянь орденсэ.

— Сон ульнес Нарком—партиянь ЦК-нь Политической Бюронъ член—ине Сталинэнь сехте малавикс оятнестэ ды соратниктнестэ вейкесь, партиянь сехте вечкевикс ветицятнестэ вейкесь.

Сон—пек вадра азороль. Заводонъ директортне дивитсь: кода Орджоникидзе ялгась пек парсте содасынзе сехте васоло предприятиянтень сехте вадра робочеест ды инженерест. Кодат машты Серго ялгась заводов молемадонть мейле секс жо неемс сехте вишка асатыктнень ды простойстэ невтемс, кода маштомс сынст.

Орджоникидзе ялгась тонавтсь ломантнень роботамо аволь ташто койсэ, тонавтсь техниканть кедьс-коморс саеме.

Но Серго мурнемаяк маштсь большевикекс. Магнитостроень икелень начальникесь Гугель ялгась евтнэ:

— Повняса, Серго монъ мезень бути кис мурнимим. Мурнесь, кода пакч видестэ. Кодат марясы, што сонзэ валтнэ паккодсть седейс, овси лиакс корты:

— Тынь арсетядо, монень тынк мурнемась шожда? Тынь тосо, ялгат, прок фронтсо, минь пек мелявтано кисэнк, но кода тынь ильведькшнетядо—кеместэ, большевикекс карматано тынк витеме".

Нетъ валтнэсэ—весе Серго, весе сонзэ отношениязо ломантненень. Секс стака промышленностень роботниктнэ вечкилизь эсист наркомост.

Сергонень ульнес 50 иеть. Сынст эйстэ сон 33 иеть—большевистской партиясо. Сон Ленинэнь ды Сталинэнь пельде тонавтнесь большевикень вадра качестватненень, бдительностентень, самоотверженностентень, партиянь ды народонъ врагтнень несприимостентень.

Секс кеместэ вечксы эсинзэ Сергонзо ламо миллиононъ весе советской народось. Секс сынст седейс ризны куломанзо кувалт. Секс карми сонзэ повнямо пингеде-пингес.

Масторось траурсо

Народонть пек покш ризксээ те стака емавксонть—минек родинанъ вейке сех вадра церанть Григорий Константинович Орджоникидзень куломанзо. Весе масторонть келес оштнэсэ ды велетнесэ, кишлактнэсэ ды станицатнесэ—траурной митингтнэсэ трудитнэ а евавомашка седей сэрдькс марто ды пек покш вечкема марто кортыть вечкевикс Сергодо.

Васоло пандтнень ало Гореша велинесэнтъ, косо Серго шачсь ды ютавтнэ эйкакш пингэнзэ, эщо а умок праздновизь сонзэ шачомадо мейле 50 иень славной эрямонзо ды ней вана а пак учо сась куля: кулось Серго. Чополгадсть, нусмакадсть сонзэ земляктнень шачост те стака ризкстэнтъ. Колхозниктне Куртанидзе, Мачавариани ды лият, конат лична содылизь Сергонь,

ледстнить сонзэ эрямос кенярдкшноманзо ды энергиянзо.

Дагестанской столицасо Махач-Каласо, косо Серго бороцясь Дагестанонть оляс менстямонзо кис, ульнес митинг, косо 20 тышат трудият евтызь остатка долгост.

Дононъ казактнэ, Украинанъ колхозниктнэ, предприятиянь стахановецтнэ, учонойтне весе ризкс марто прощитть вечкевикс Серго марто.

Вешенской станицасо траурной митингсэ ульнес 500 казакт ды казакат, конатне ледстнест кода сынъ вастнест Орджоникидзе ялганть марто. Орджоникидзе ялганть вастомадо ледстнема марто кортась советской писателесь Михаил Шолохов.

(ТАСС).



СНИМКАСОНТЬ: С. М. Киров ды Г. К. Орджоникидзе ялганть гражданской войнанъ шкастонть.

А. Мартынов.

ПРОЩАИ, СЕРГО!

Течи эрванть
Седеезэ нурьгамсь,
Седейть поти ризкс.

Моданть мештес
Лембе сельведеть пургавоть
Минек Сергонь кис.

Раужосо оршавсь
Цвети садось
Якшамо чистэ!

Индустриянь
Кеме командармось...
Жаль...но тусь тестэ.

Тышат командирт
Покш гигантнень,
Тон вечкезь кастыть.

А кеман мон
Стака кулятненень...
Сардт прок сынъ сялгить.

Кшнинь, сталень
Солавтыця робочей,
Лакиця кшни лангс

Пек стака кулянтъ
Марямсто течи,
Правтсь сельведь петнявке.

Нургить вельксэть
Изнямонъ знамятне,
Конанъ тон кандыть.

Мезекс, мейс
А шкасто, а пак учо
Кедьстэть сынст правтыть?

Мезекс кадк
Урозокс масторонть?
Родной, Серго, стаяк!

Кирвастак коммунизманъ
Покш толонтъ,
Домнакс кирвастак.

Зяро вий,
Вечкевикс Серго путыть,
Уцясканок кис,

Секс теветь
Ды шачот а стувтовить
Ламо, ламо пинге.

Тон кармат эрямо
Эрва косо
Живтнедеяк жив.

А лоткат улеме
Васень рядсо
Виевде виев.

Но... вана...
Калмамонъ ниреждемась
Седейтнень лазны.

Тонетъ, родной,
Меельсень долгонзо
Масторось максы.

Прощтай, Серго...—
Масторось мерсь састо,—
Теветь тейсынек.

Домнатнесэ
Кирвастезь покш толсот
Сынст минъ прыдеснек.

ШУМБРА УЛЕЗЭ РОБОЧЕ-КРЕСТЬЯНСКОЙ ЯКСТЕРЕ АРМИЯСЬ! ИНЕ ГОДОВЩИНА

Течи весе Советнэнь масторсь празднови Якстере Армиянь 19-це иень годовщианть. Неть 19 иетнень перть допрок лиякстомсь минек масторсь, вейс сонзэ марто лиякстомсь ды одкстомсь сонзэ эйкакшозо — минек а изнявиця РККА-сь.

Ленинэнь—Сталинэнь партиянь велямонзо коряс ды сонзэ эрва чинь мелявтоманзо коряс Якстере Армиясь теевсь весе масторсонть сехте виев, а изнявиця ды сехте икелев молиция техника марто армиясь.

Ворошилов ялгась 1936 иестэ Киевсэ эсь валсонзо евтась: "...што минек ули вейке меленек-бажамонок, вейке кеме олянок, што бути врагось каяви Советской Украинянь, Советской Белоруссиянь эти Союзонть лия пельксэнзэ лангс, минь аволь ансяк а нолдасынек врагонть минек родинанть потс, но карматано сонзэ чавомо се масторонь лангсо, косто сон сась". Минек армиясь а изнявиця секс, што сон ашти весе народстонть. Сон—минек виенек ды веренек, меленек, арсеманок, бажамонок ды кемеманок. Сон а изнявикс секс, што: "Робоче-Крестьянской Якстере Армиясо воинской службась СССР-нь гражданинэнь ашти почетной обязанностек" (СССР-нь Конституциястонть). Минек Якстере Армиясь, меельсекс, а изнявикс секс, што сонзэ улить отважной, мездеяк а пелиця, техниканть парсте содыця боецт, летчикт, командирт, конат педепев преданойть минек ине родинанть, мистванзо кис".

нек тетянтень, весе мирэнь угнетеннойтнень вождентень Сталин ялганть.

Минек эрва од ломанесь, анок верензэ меельсекс петнявксонзо прамс тюремс социализмань изнявкстнэнь кис, вадра, мазый, уцяк-кав эрмонть кис.

Од ломаньтне тень коряс морыть:

"Минь кежейстэ чаманок

тейсынек,

Бути враг каяви минек лангс.


Минь одирьвакс родинанть

вечксынек,

Ванстано эйсэнзэ эсь авакс".

Неень международной положенянь пек стака. Эрва шкане может кирваземс война. Импералистнэ ды васняк фашистской мастортнэ Германиясь, Италиясь ды Япониясь азаргадозь анокстыть од война ды васняк арсит каявомс минек ине родинанть лангс. Аволь умок ютазь контрреволюционной троцкистской параллельной центранны лангсо процессэсь невтизе тень пек парсте.

Секс миненек эрви кепедемс бдительностенть ды улемс эрва шкане анокстась вастомс врагонть ды тапамс сонзэ эсинзэ территориянзо лангсо ды аволь ламо минек питней робоче-крестьянской веренть валозь. Тень кис эрви эрва шкане топавамс А. В. Косарев ялганть указаниянзо седе, што: "Военной наукавтомонть, изнямо атак машто, миненек а кода улемс, бути минь серьезнасто арситано бороцямо коммунизманть торжевойть минек ине родинанть, мистванзо кис".



*"Минь аштитяно мирэньтэ кис ды ван-
статано мирэньтэ теветь. Но минь а пель-
дяно угрозатнеде ды аноктано отвечаемс
вачкодемасо войнаны кирвастицянтнень вачко-
демаст лангс... Сеть, конат снартыть кая-
вомс минек масторонть лангс,—получить
пек кеме отпор, штобу икеле пелев сынесть
а кода улелель эцнемс эсист тувонь не-
рест минек советской эмеж пирентень".
(И. СТАЛИН).*

Якстере Армиянтень анокстатано кеме боецт

Якстере Армиясь ней вооруженной первоклассной техникасо ды те техниканть сайсы кедьс-коморс ансяк политически ды технически грамотной боец.

Осоавиахимень Мокшэрзынь центральной советэсь ней тонавты допризывниктнэнь ды теке марто вейсэ аноксты сынесть эйстэ ворошиловской стрелоконь, ПВХО-нь, ГТО-нь ды ГСО-нь значкист. Республиканть келес 1915-16 иестэ шачовт допризывниктнэнь эйстэ 1937 иень февралень 20-це чис анокстась: ГТО-нь значкист (телен норматнень максызь) 554 ломанть, ВС-нь—693, ПВХО-нь—1131 ды ГСО-нь значокс норматнень максызь 983 ломанть.

Эрви меремс, што допризывниктнэнь анокстамонть коряс сех икеле молиция районтэ неть—Саранскоень районось, косо ворошиловской стрелокт анокстась 147 ломанть, ПВХО-нь—284, ГСО-нь—303 ды ГТО-нь значкист анокстась 70 ломанть, Атяшевонь, Рузаевкань ды лият. Неть районтэсэ, кода примеркс, Рузаевкасо аволь беряньстэ моли неграмотнойтнень ды малограмотнойтнень тонавтомаськак. Но седе ламо районсо те работась веляви лавшосто. Неть

районтэсэ, кода, примеркс, Зубово Полянасо, Краснослободскойсэ ды лиясо ОАХО-нь райсоветнэнь а лездить партийной ды советской организациятне. Лавшосто тень коряс лезды неть районтэсэ комсомолоськак.

Весе теде башка осоавиахимень Мокшэрзынь центральной советэсь аноксты летчикт, танкист. 1936 иенть перть аэроклубонть вельде анокстась 21 летчикт ды железнодорожной од ломаньтнэнь эйстэ 18 ломанть тонавтиль Рузаевкасо. Теде башка моли набор Саранскоень аэроклубсо.

Автовупонть вельде анокставить танкист допризывниктнэнь эйстэ ды шоферт анокставить аволь войсковиктнэнь эйстэ.

Осоавиахимень Мокшэрзынь центральной советэсь ней эсинзэ икеле аравты задача, штобу минек родной Якстере Армиянтень анокстамс физически шумбрат, технически ды политически анок анокстась боецт.

В. Иванов.



*"Ялгат, Советской народонть ули мезе ванстомс,
ули кинень ванстомс, ули мейсэ ванстомс."*

(Советнэнь Всесоюзной Чрезвычайной 8-це С'ездэс НАЗАНОВ
напутанть валотонзо).

П. ГОРШЕНИН

ВЛКСМ-нь ЦК-нь секретарь

КОМСОМОЛОСЬ ДЫ МАСТОРОНТЬ ВАНСТОМАЗО

Февралень 23-це чистэ Советской Союзоньтудиятне праздновать Рабоче-Крестьянской Якстере Армиянь славной годовщианзо.

19 иеть Рабоче-Крестьянской Якстере Армиясь грозной стражокс ашти границанок лангсо, вансты социалистической родинанть мирной трудонзо, анок эрва шкане аволь ансяк а нолдамс врагонть, но истяжо тапамс сонзэ тосо, косто сон сы.

Якстереармеецтнэ, командиртнэ ды политработниктнэ кшнинь наркомонт—Советской Союзонь маршалонт К. Е. Ворошиловонь велямонзо коряс пек парсте тонавтнэз военной сех икеле молиця техниканть.

Теке покш праздник минек масторонт од ломаньтне анокстыть якстере армиясонть служамонтень. Од ломаньтне бажить эщо армиявомлемадо икеле тонавтнемс военной тевень основатнень.

Ленинской комсомолось, од ломаньтнень те бажамост ловозь, теи весе, штобу минек од ломаньтнень улелель возможностест производствасо роботамодо а пак лотксе тонавтнемс, ютавтнемс спорт, саемс кедьс-коморс военной знанияйтнень.

Советской од ломаньтне пек вечксызь массовой авиационной спортонть. Масторсонок роботыть ламо аэроклубт. Синст эйсэ ламо кемень тышат од церат ды од тейтерть тонавтнэз самолетонт, планерэнт, парашютонт, ламот кармасть улеме летной, планерной ды парашютной спортонь инструкторокс.

Аэроклубтнэ неть успештнень теизь ансяк секс, што партийной ды комсомольской организациятне конкретностэ лездась сынест. Авиационной спортонть кастомасонзо сех покш успехт тейсть Московонь, Московской областень ды Донбассонь комсомольской организациятне.

Парсте роботасть Днепропетровской, Одесской, Воронежской областень, Белоруссиянь, Башкириянь, Татариянь, Азово-Черноморской ды Западно-Сибирской крайтнень аэроклубтнэ.

Те иестэнт аэроклубтнэ получить задания анокстамс 1936 иетть коряс омбоце пель разт седе ламо пилотт, планеристт, парашютистт ды авиационной лия специалистт. Те задачанть комсомольской, осоавиахимовской организациятне, аэроклубтнэ тонавтсызь ансяк весе эсист вист пүтозь.

Покш мель эрви явомс аэроклубтнэз политической ды воспитательной работантень. Комсомолецтнэнь ды од ломаньтнэнь, конат тонавтнить авиационной тевентень, а кода якамс кружокс, политграмотань школас вейсэ производствасо эсист ялгасть марто. Аэроклубтнэнь эрви организовамс эстет ды муемс паро преподаватель аволь ансяк программань коряс политической анокстамонь обязательной видэнтень, но истяжо весе добровольной кружоктнэнь ды школатнэнь. Учетнэнь политической образования эрви целанек ютавтнемс аэроклубтнэз.

Минек аэроклубтнэнь улить аволь берянт летной кадрат, шка уш максомс учетнэнь возможность снартос эсист вист аволь ансяк эсь аэродромтнэз. Эрви седе келейстэ ютавтнемс



СОВЕТСКОЙ СОЮЗОНЬ МАРШАЛТНЭ

эрва кодат ливтнемат, пилотнэнь, планеристнэнь пелькстамот областнэз, национальной республикатнэз, ды союзной значениянь ливтнематнень.

Ленинской комсомолось вейсэ осоавиахименть марто эрва кода лезды од ломаньтнень бажамонтень тонавтнемс леднемань искусстванть. Меельсэ колмо иетнень перть анокстазь 1^{1/2} миллион 1-нь ступенень ворошиловской стрелокт, ламо кемень тышат омбоце ступенень ворошиловской стрелокт, стрелковой спортонь тышат мастерт ды снайперт.

Масторсонок улить ламо кемень стрелковой клубт ды стационарной школат инструкторской кадрань анокстамонть коряс. Минек советской од стрелоктнэ весе масторлангонь пелькстамотнэз а вест невтиз эсист мастерстваст ды сайнильть васень тарка.

Сех покш ды главной асатыксэ стрелковой спортонть—1-це ды 2-це ступенень ворошиловской стрелоктнэнь ютксо эрва шкань роботань аразь-чись. Весе стрелковой роботанть эрви аравтомс истя, штобу минек а пак лотксе ламолгадовольть парсте квалицированной стрелоктнэ, конат а пак лотксе бу кепедевольть эсист квалификацияст. Отличной стрелоконь анокстамось, конат парсте бу со давлить нсень шкань спортивной стрелковой оружиянт—комсомолонь ды осоавиахименть организациятнень главной задачась. Эрви седе пек келейгавтомс стрелковой пелькстамотнэз колхознэнь, заводнэнь, районтнэнь, оштнэнь, областнэнь ды республикатнэнь ютксо.

Ламо уш теезь противовоздушной ды химической оборонантень Советской Союзонь гражданинь анокстамонть коряс. Малав 5 миллионт тудият максызь ПВХО-нь 1-це ступенень норматнень. Ламо кемень тышат инструкторт-общественникт анокстазь меельсэ кав то иетнень перть. Масторсонок организоваз ПВХО-нь ламо клубт. Тудият массатне покш мельсэ тонавтнить противовоздушной химической оборонань основатнень.

Советской од ломаньтне пек вечксызь броне-танковой тевенть. Комсомолонь жарья организациятнень инициативаст коряс тейневить автобронетанковой клубт ды тонавтнема пунктт. Уш 1937 иестэнт тышат од ломаньт кармасть тонавтнема танкань ды танкеткань ветома.

Казачей ды степной райононь комсомолецтнэнь ды од ломаньтнэнь инициативаст коряс касы конной спортонть тонавтиманзо кис движениясь. Эрви парсте организовамс те движениянт ды улемс сонзэ пряттокс. Казачей районтнэз не может улемс комсомольской организациянь секретарекс, комсоргокс ды активистекс, конань бу аволь уле сех паро лишмезь ды снаряжениязо ды парсте бу аволизе содакавалерийской тевенть.

1936 иестэнт осоавиахимес ды комсомольской организациятне удовлетворительностэ ютавтнэз допризывной од ломаньтнэнь тонавтоманть. Яла теке, неть успештнэнь лангс а эрви оймамс. Эщо седеяк покш задачат теи коряс аштить комсомолонть икеле 1937 иестэнт.

Од ломаньтне пек вечксызь военно-морской спортонть. Минек республиканть военно-морской виензэ касыть бойкасто. Тень кувалт седе ламо эрви каднатк. 15 иетнень перть ленинской комсомолось эсинзэ подшефной морской флотонт комплектов сех вадря комсомолецтнэз.

Ней минь сех пек тешкстатано лей маласо ды иневедь маласо ошонь ды райононь комсомольской организациятнень ролест военно-морской флотонт кастомасонзо. Лей ды иневедь маласо эрва ошонть улест военно-морской клубт ды морской учебной пунктт. Эрви пек седе келейгавтомс улица морской клубтнэнь ды пунктнэнь роботасть содержаниянткак. Од ломаньтнэнь эрви тонавтомс катерэнь, шлюпкань, яхтань ветома.

Ленинской комсомолось—те Рабоче-Крестьянской Якстере Армиянт военно-морской ды военно-воздушной виитнень шеф. Сон честв марто тонавти шефской обязанностензэ, эрва иестэ ВМС-нь ды ВВС-нь училищатнень комплектов сех вадря комсомолецтнэз, макстни конкретной лезкс подшефной частнэнь командованиянтень дисциплинанть кемекстамосонзо ды личной составонть культурной обслуживаниянт вадрягавтомасонть.

Славной Рабоче-Крестьянской Якстере Армиянт 19-це годовщианзо праздноваз, Ленинской комсомолось максы вал эрва шкане кемекстам эсинзэ связанзэ славной подшефниктнэнь марто ды макснемс тест эрва кодамо лезкс весе сынест деятельностьсэ.

МИНЕК АЭРОКЛУБОНОК

Нилеце не уш Саранскоень аэро-
клубось, крылатой племян тенья
кузница атак лотксе аноксты,
тонавты, касты минек ине роди-
нань кеме патриотт, конат эрва
минутасто анокт вантамс эсис-
т уцяскав эрямост, эсис уцяскав
родинаст войнань кирвастиця фа-
шистнень эйстэ.

Киненьгак а изнявця минек род-
ной Якстере Армиянень аэроклу-
бось анокстась:

Пилотт. 1936 иень декабрь ков-
сто анокстась 21 пилотт, конат-
нень эйстэ 17 пилотнэ комсомо-
лецт. Сынь снартнизь эсист виест
коштсо самолетонь ветнезь, со-
дыть, што врагось тест а страшна.
Тонавнемасонть отличникнэ Кру-
това Клавдия, Смирнов, Миронов
ды Стрельченко эсть лотка эсис-
т изнявкост лангс. Сынь тусть то-
навтнеме инструкторокс Ульянов-
ской летной школав. Ды остатка
выпускник-пилотнэньгак эзинзе
стувто аэроклубось.

Вана Шундикова, Родионов,
Шевченко, Сибирин, Крысин ды
ляйтне кармасть роботамо аволь
штатной инструкторокс-обществен-
никес. Сынь сынс уш тонавтыть
ливтнемань искусстванень истят
жо од ломанть. Остаткатне тонав-
тыть инструкторской группасо, ке-
недять эсист знанияст пилотокс-
инструкторокс.

Инструкторт. Анокстась Мордо-
виянь районнэнь туртов планер-
ной тевень 12 инструкторт, конат-
нень эйстэ 11 комсомолецт. Пара-
шютной тевень 2-це категориянь
инструкторт 8 ломанть, конатнень
эйстэ 5 эрзат.

Планеристт. Ютась иестэнь аэ-
роклубось анокстась весемезэ 67
планеристт. Нетнень ютксо 60
комсомолецт. Чистэ-чис виими пла-
нерной тевесь Мордовиясо. Саран-
скоень аэроклубонь ды учебной
заведениянь планерной кружоктнэ-
де башка истямо кружоксо планер-
истнень кадрат анокставить: Руза-

евкасо, Дубенкасо, Краснослобод-
скойсэ ды неть читнестэ панжови
Ст. Шайговасо. Тесэ планерист-



Аэроклубонь начальникесь
ИВАНЧЕНКО ялгась

нэнь эйстэ анокстыть кадрат пило-
тонь курстнень.

Авиомоделистт. Мокшэрзянь
республикань школатнева весеме-
зэ ловновить 300 юной авиомо-
делистт. Сехте парсте роботыть
авиомоделистнэ кружоктнэ Са-
ранскоень аэроклубсо, ДТС-сэ, Ру-
зевкасо, Краснослободскойсэ, Ар-
датовасо ды ляссо. Неть районт-
нэсэ Якстере Армиянь славной го-
довщинань самонь чинтень авио-
моделистнэ ютавтыть эсист сле-
тост. Аволь берянь результатт
невть истямо слетось Саранской-
сэ, конась ульнесь ютавтозь фев-

ралень 18 чистэ. Тесэ Пронин
Виктор юной авиостроительт
схематической моделезэ ливтась
32,2 секундас 175 метрат. 7-це
школань пионерэнь Мишин Се-
режань моделезэ 35 секундас 140
метрат.

Эсист Авиомодельной кружокт-
нэсэ эйкакштнэ тонавтыть авиа-
ционной тевенть. Сынь покш ус-
пех марто ютавтыть эсист дозун-
гонть: „авиомодельстэ—планерс,
планерстэ—самолетс“. Сынь эсь
прят алтыть улемс масторонь
вадря пилотокс. Секс вана 12-це
школань 14 иесэ пионерэсь Бере-
зин Слава атак учне сень, зярд-
карми улемс покш—яки кунсолот-
кшомо планеристнэнь занятиянес.
Ды сон, эряви меремс, аволь бе-
ряньстэ чаркоди, тонавтни, сая
кедьс-коморс планерной тевенть.

Минек аэроклубось 1937 иестэнь
арси теэмс седеяк покш тевть.
Те иестэнь Рузевкасо кшнинь
кинэ 42 од робочейтне роботасто
атак тые прядсызь пилотонь кур-
стнэнь. Тешкстэсь, истя жо, те
иестэнь эрва районс теэмс па-
рашютной вышка (ней эйстэст 6),
теэмс планерной курст ды ютав-
томс лия покш работа, кона
кемексты минек обороноспособ-
ностень.

Неть тевтнень тейнемасонть Мор-
довиянь комсомолонень эряви ве-
се вийсэ лездемс аэроклубонтень.

А. Заревский.



ШУНДИКОВА ДУСЯ

пеле-пев идизе комсомольской ор-
ганизациянь кемеманзо. Произ-
водствасто атак тые тонавнеман-
зо прядызе покш изнявкс марто.
Планерной курстнэнь ютамсто сон
ульнесь отличникакс.

Тонавнемань шкастонть сон ко-
демень котоксть кузнесь коштс
инструктор-пилот марто. Ды вана
1936 иень ноябрынь ковстонть сон
сыкамонзо ветизе самолетонть
пельтнень эшка.

1936 иень декабрынь 5-це чистэ,
зярдо минек масторонть азорось,
Советнэнь Чрезвычайной Всесою-
зной 8-це Съездсэ сталинской Кон-
ституциянень сырнень буквасо
сермадсь социализмань изнявкс-
нэнь, достижениянень,—те зярд-
як а стувтовия чистэнь Шунди-
кова Дусяяк тешкстэсь эсинзэ из-
нявксонзо. Сон од пилот!

Вана ашти икеленек сон, превей,

ИСПАНИЯСО—СССР-нь
ПОЛПРЕДЭСЬ Л. Я. ГАЙКИС

ССР-нь Союзонь центральной ис-
полнительной комитетэнь прези-
диумозо путсь: Марсель Измайло-
вич Розенбергень лия работастуе-
манзо кувалт олякстомтомс Испа-
ниясо ССР-нь Союзонь полномо-
ченной представительнень обязанио-
стыстанзэ.

Испаниясо ССР-нь Союзонь пол-
номоченной представителекс арав-
тозь Леон Яковлевич Гайкис ял-
гась. (ТАСС).

Мадридской фронтсо республиканской войскактнень изнявкс марто эцемаст

Мадридэнь маласо молить ял-
виев бойть. Харама леенть район-
со правительственной войскактнень
эцемаст макссь пек вадря резуль-
татт.

Правительственной войскактне та-
пизь противникнэнь весе атакаст
ды кемекстыть саязь позицианень.

Мятежниктнэнь планост—эцемс
Маратонтень ды совамс Харама ды
Монсанарес лейтне вейс прамо-
тарконтель, истя жо эзь удала.
Республиканецтнэ мятежниктнэнь
туртов тейсть покш емавкст, сайст
плени салдат, боевой запаст ды
саязь мятежниктнэнь икельсе пози-
цияст.

Республиканской войскактне из-
нявкс марто молить мадридской
фронтонь лия участкатневаяк, сех
пек Ласт Росас ды Авила секторт-
нэсэ (Мадридэнь эйстэ пелеве-
ендо чи валгома енов).

Республиканецтнэнь активно-
стест теи покш пелема Мадри-
дэнь маласо аштиця мятежникт-
нэнь позицияст туртов.

Франциянь печатэнь кулянзо
коряс меельсэ ковтынэнь перть Мад-
ридэнь маласо лововить маштозь
22.000 мятежникт. (ТАСС).

Дуся Шундикова

Те ульнесь 1932 нестэ.

Рузонь ине писателенть А. М.
Горький лемсэ агитэскадрильянь
бригадань самолетось валгсь пиче
вирьсэ керьксазь Даниловкань (Са-
ратовский область) винзаводонть
ваксс.

Тезде икеле Шундикова Дуся са-
молетт некшнесь аняк коштсто.
Пек бажась сонзэ неемс мода ланг-
сто, но те эзь савкшно. Секс пок-
штояк-покш ульнесь Дусянь кеня-
рдомазо, зярдо сон марясь те ку-
лядонть. Аняк сестэ, истямо те
мазый таркасонть сон витизе эсин-
зэ мелензэ, бажамонзо,—овси ма-
ласто, вана эсинзэ вакссто, васень-
цеде нейсэ самолет. Ды седеяк ла-
мо. Сон а етэвизе кеняркс марто
салавине вадышкавтнесь самол-
тонь пудонть. Сталень те нарму-
шесь тензэ неявсь валсо а етэви-
ця вещекс, сонзэ вакссо пилотось
жо—ломанькс, конань кондыт све-
тэнтэ овси а ламо.

Дивамонть пачк сон мик эзь
кемть эсь лангзонзо (сон те, эли
аволь), зярдо Дусянь озавтызь са-
молетс прок ударникант ды ку-
стизь сонзэ верев, пиче вирьтнень,
заводонь постройкатнень велькс.

Агитсамолетось сырғась эсинзэ
маршрутанть лия фабрикав, заво-
дов, колхозов. Дусянь те ма-
ряться жал. Сон анок ульнесь се-
ксе туемс те бригаданть марто ко-
штонь кияванть коть ков. Но тень

теэмс ульнесь а кода. Самолетось
тусь. Дусянь седейс жо кадовсь
од бажамо, кенярдома: кода бу-
тонадомс самолетонь ветнеме эс-
тензэ. Те шкастонть сон кеместэ,
од тейтерень весе пси седейсэнзэ
кармась вечкеме самолетонть, ко-
штонь ине-веденть, менеленть.

Даниловкань винзаводсо практи-
кась прядовсь. Дуся таго тепломех-
анической техникумсо, конань
прядомадо мейле од специалис-
кась, комсомолкась Шундикова
кармась роботамо Саранскоень кон-
сервной комбинатсо.

Тесэ курок ютасть роботамонь
омбоце пель нетне. Те шканть
перть Дуся тонадсь ламос: комсо-
мольской поручениянень тонав-
томась, общественной эрямосонть
нокш участиянь примамось, полит-
школасо тонавнемась—кастызь
сонзэ кругозоронзо, знаниянзо. Ду-
ся тесэ ульнесь аволь берянь об-
щественникакс ды физкультурни-
пакс. Сехте пек жо сон вечксь па-
рашютной вышкасто парашют ма-
рто кирьявнеманть. Комбинатонь
коллективстэнь васеньцеде выш-
касто кирьявтсь сон.

1935 иень декабрь ковстонть
комсомолонь комитетэсь сонзэ, ва-
сеньпекс комсомолканть, кучизе
эсинзэ рядтнэнь ютксо аэроклу-
бо пилотокс тонавнемэ. Дусянь
те кенярдиксонть арасель пе.

Эряви меремс, што Шундикова